

UPRAVNI ODBOR SINDIKATA MAŠINOVOĐA - STROJOVOĐA u FBiH

Mašinovođama-strojovođama i članovima SMS-a u FBiH, bratskim sindikatima Federacije BiH, Republike Srpske, Hrvatske i Srbije i svim dobrim ljudima:

Šest dana i noći naše borbe dokazale su čitavom svijetu, da su mašinovođe-strojovođe i članovi Sindikata mašinovođa-strojovođa u FBiH čvrsto krenuli putem i glasno izrazili svoj protest protiv nezakonito nametnutih odluka i naredbi u kojima su se kršili osnovni postulati Zakona o radu i Zakona o zaštiti na radu.

Zajedno s mašinovođama-strojovođama su aktivno učestvovali i poduprli svoje nesebično zalaganje svi poštivaoci radničkog zanimanja „Mašinovođa-Strojovođa“, bratskih sindikati kako u sistemu Željeznice FBiH, Republike Srpske, tako i bratski sindikati iz Hrvatske i Srbije, pošteni funkcioneri iz političkih stranaka u BiH i mnogi elektronski i printani mediji kako u BiH tako u regionu.

Svi pokušaji unošenja nesloge, ubacivanja međusobne mržnje i špekulacija, samo su tješnje povezali mašinovođe-strojovođe u zajedničkoj borbi za radnička prava i time stvorili, ne samo materijalni, već i opće-politički i svi moralni uvjeti za stvaranje jačeg međusindikalnog fronta i po svom sastavu i programu, Sindikata mašinovođa-strojovođa u FBiH, biti jamstvo da će svim zaposlenicima Željeznice Federacije BiH osigurati stvarnu i istinsku ravnopravnosti u borbi za radničke plaće, prava iz radnog odnosa i uslova rada.

Obzirom na činjenice šestodnevne obustave rada, odgovornosti po svojoj dužnosti i stvari za koju su se borili i izborili mašinovođe-strojovođe Federacije BiH, te učinjenim naporima u pogledu žrtvi pregovarača sa Upravom Društva ŽFBiH, do kraja se pravilno ocijenila sva složenost nastale situacije u interesu zajedničke stvari za sve željezničke zaposlenike, a to je rad i samo rad, Upravni odbor Sindikata mašinovođa-strojovođa u FBiH poručuje:

Čestitke svim mašinovođama-strojovođama Vuče vozova Željeznice FBiH i članovima Sindikata mašinovođa-strojovođa u FBiH i partnerima koji su svojim aktivizmom ostvarili ovakav uspjeh. Pregovaračima koji su imali snage izdržati sve pritiske javnog mjenja i zastrašivanja željezničke uprave je stvarno hvale vrijedna stvar te ovom prilikom Upravni odbor upućuje iskrenu zahvalnost i čestitke za izkazanu hrabrost u opravdanom povjerenju koju su dobili.

Upućujemo posebne čestitke na nesebičnoj podršci i solidarnosti i to:

1. Sindikatu strojovođa Hrvatske na čelu sa predsjednikom g. Nenadom Mrganom i sindikalnom povjereniku SSH, podružnica u Pločama, g. Cigić Mariju.
2. Sindikatu mašinovođa Željeznice Republike Srpske na čelu sa predsjednikom g. Simom Cvjetkovićem i
3. Nezavisnom Sindikatu mašinovođa Niš-Željeznice Srbije, na čelu sa povjerenikom g. Miroslavom Stojanovićem.
4. Sindikat Granične policije BiH na čelu sa predsjednikom g. Crnogorac Predragom.

Također, pozdravljamo sve one koji su imali viziju pomoći, a javnim istupima obezvrijedili učinjene napore mašinovođa u borbi za radnička prava, poručujemo, da se trebaju izboriti za čestitke kako bi ubuduće opravdali povjerenje koju su dobili.

Bili smo jedinstveni i to pokazujemo drugima. Sretno nam bilo.